



ՊԱՇՏՈՆԱԿԱՆՔ

ՄԿՐՏԻՉ ԾԱՌԱՅ ՅԻՍՈՒՍԻ ՔՐԻՍՏՈՍԻ ԵՒ ԱՆՀԱՍՍԱ-
նելի կամօքն Աստուծոյ Եպիսկոպոսապետ եւ Կաթողի-
կոս Ամենայն Հայոց, Ծայրագոյն Պատրիարք Համագգա-
կան Նախամեծար Աթոռոյ Արարատեան Առաքելական
Մայր Եկեղեցւոյ Մերոյ Կաթողիկէ Էջմիածնի՝

Սէնդիկ Ս. Էջմիածնի.

Յօրէ ժամանելոյ Մերոյ յԱթոռս Հայրապետական՝ նկա-
տեմք եւ տեսանեմք, զի Սինօզդ թոյլատրէ իւրով իրաւա-
սութեամբ զհրամանս պատկաց հինգերորդ տարիճանի խնա-
մեական չհասութեանց, զոր Թեմակալք եւ Վիճակային Ատ-
եանք առաքեն յԱտեանդ: Այլ զի միանգամ ներելի հա-
մարեալ է ի Մէնջ եւս որպէս եւ յԱտենէդ եւ նոյնպիսի չհա-
սական խնամութիւն չհամարի ի թիւս անթոյլատրելեաց
արժանի լուծման Բարձրագոյն Հոգեւոր իշխանութեան՝ բաց ի
ամսօրեայ ժամանակաց յապաղման եւ ի զուր գրագրութեան,
ուստի եւ հարկ համարեմք սովին Հայրապետական կոնդա-
կաւ առաջադրել յԱտեանդ, զի ի դմին եղեալ նոյնօրինակ
առաջարկութիւնք վերադարձուցանելով յիւրաքանչիւր Թե-
մական Ատեանս՝ պատուիրեսջիք յետ այսու թոյլատրել

ի կողմանէ, իւրեանց Կոնսիստորիայից զայնպիսիս, այսինքն
Հինգերորդ աստիճանի խնամական չհասութիւնս, չառաքե-
լով այլ ևս ի Սինօդդ և չտալով տեղի աւելորդ դրազբու-
թեանց:

Ի վերայ իսկականին ստորագրեալ է՝
ՄԿՐՏԻՉ Կաթողիկոս Ամենայն Հայոց.

յ 30 Յունիսի 1899 ամի

և ըստ Տոմարիս ՌՅԽԹ.

ի Հայրապետութեան Մերում Զ. ամի

յԱրարատեան Մայր Աթոռ Ս. Էջմիածնի

ի Վաղարշապատ.

Թ. 797.

ՄԿՐՏԻՉ ԾԱՌԱՅ ՅԻՍՈՒՍԻ ՔՐԻՍՏՈՍԻ ԵՒ ԱՆՀԱՍԱ-
նելի կամօքն Աստուծոյ Եպիսկոպոսապէս Եւ Կաթողի-
կոս Ամենայն Հայոց, Ծայրագոյն Պատրիարք Համագգա-
կան Նախամեծար Աթոռոյ Արարատեան Առաքելական
Մայր Եկեղեցոյ Սրբոյ Կաթողիկէ Էջմիածնի՝

Սինօդէ Ս. Էջմիածնէ.

Ի բազում դէպս հասանին Մեզ խնդիրք զանազան ան-
ձանց ցանկացողաց մտանել ի նոր ամուսնութիւն յեօթնե-
րորդ աստիճանի ազգականութեան, մերժեալք ի Հոգեւոր
Ատենից և ի Սինօդէ: Են՝ զինկարագրելով զհանգամանս
դժպատեհս, յորոց յառաջացեալ է միաւորութիւն ամուս-
նացողաց, ստանան ի Մէնջ զհրամանս պսակի անխտիր: Են
այնպիսիք, զի զրկեալ յամենայն Ատենից և Թոյլաւութեանց՝
կենակցին ապօրինի՝ ապօրինի համարելով նաև զանմեզ
զաւակունս նոյն իսկ ծնեալս ի սուրբ աւագանէն և
ի միաւորութենէ խորհրդով պսակին թէ՛ յայտնի և թէ՛
զաղտնի, և այս որպէս թէ ի խրատ այլոց, բայց Նս ասեմ՝
ի խրախոյս այլոց, որք գիտելով զՀաւատարմութիւն տգէտ և
ազբատ հոգեւորականաց, պսակին զաղանի, ընդօրինակելով
զայս վատ սովորութիւն ի միմեանց, և առ այս իսկ տեսա-
նեմք այսօր ի բազում տեղիս բազմութիւն ապօրինի կենա-